

Анай кыл

Удмурт кыля уроке – лавкае

Кыче амальёсты указы куто туалла дышетисьёс?

Ма кароно, нылпиос удмурт кыля но литература урокёсын басьтэм тодон-валань-ёссэс улонын кутыны мед быгатозы шуыса? Йёскалык библиотекаын «Улон – лыдзён, лыдзён – улон» сужьетысь нырысетийез митап ортчиз.


Юбилей но митап

Ужрадэз ортчытызы «Вордскем кыл» журналлэн редакцияз но Йёскалык библиотекаысь шаертонья но библиография центрэн ужасьёс. Мугез туж чебер вал – юбилейзэ пусйиз Ирина Тимирзянова. Ирина Фёдоровналэн «Вордскем кыл» журналын ужаны кутскемез дырысен жоген 20 ар тырмоз. Со «Литературное чтение на удмуртском языке» учебниклэн одйгез соавторез луэ, Россия Федерацияысь огъя тодон-валан сётон удысысь дано ужась, Удмуртиысь дано журналист.

Ирина Тимирзяноваез зечкыланы люкаскылызы быдэс элькунысьтымы удмурт кыля но литература дышетисьёс, покчи классёсты визьнодасёс, Удмурт кун университетысь удмурт филология факультетын дышеткисьёс но мукетёсыз.

Ирина Тимирзянова но «Вордскем кыл» журналын чюш ужась эшгёсыз та ужрадэз пайдаё ортчытыны малпазы.

– «Митап» кылэз уж дурамы кутыны кутским, – шуиз Ирина Фёдоровна. – Шодонэ вань, со верасконамы-ужамы пумен пыроз. Митап – одйг удысысь ужасьёслэсь ужпумёссэс сэрттонья пумиськон. Асьмелы чөмгес тазы адзиськылоно. Угось улон али туж жог воштиське. Дышетисьёс тае одно санэ басьтыны кулэ, соин ик указы виль но виль амальёсты пыртоно луо. Али огъя бадзым текстёсты пинальёслэн лыдзёмзы уг поты ни. Соин ик одйг ивортонэз пинал доры вуттыны луоно суредьёс, туспуктэмьёс, вакчияк вераньёс но трос мукетыз пыр. Кылсярысь, Ижысь одйгаз корка вилэ



«Вордскем кыл» журналлэн «ВКонтакте» бамысыз

«Вордскем кыл» журналысь методист Ирина Тимирзянова вераз, кызы пинальёсты текстёсын ужаны дышетон.

пуктэмын Ашальчи Окилы сйзем граффити. Мае отысь «лыдзёны» луэ? Троссэ: со асьме шаерын вордскем кылбурчи, фронтэ ветлэмын...

Озы зечкылан ужрад пумен «Анай кыля но литература егит дышетисьлэн школаез» семинаре выжиз. Мастер-класс возматйзы шаерысьтымы удмурт кыля

Кузь юаньёс – вакчи валэктоньёс

Надежда Кабанова «уроксэ» кутскиз гинэ – дышетисьёс но, школаын ужасьтэмьёс но вунэтйзы кытчы ке дыртэмзэс, маке мукетыз сярсь малпаскемзэс... Пинальёслэн но озы ик, дыр: Надежда Васильевна классэ пыре ке, сое гинэ учко, сое гинэ кылзо

Дышетисьёс указы виль но виль амальёсты пыртоно луо. Али огъя бадзым текстёсты пинальёслэн лыдзёмзы уг поты ни. Соин ик одйг ивортонэз пинал доры вуттыны луоно суредьёс, туспуктэмьёс, вакчияк вераньёс но трос мукетыз пыр.

но литература дышетисьёс: Дэри ёросысь Шор Постол школаысь Надежда Васильевна Кабанова, Пичи Пурга ёросысь Кечол школаысь Маргарита Николаевна Долганова но Шаркан ёросысь Быгы школаысь Надежда Владимировна Голубина. Ваньзы соос «Функциональной грамотность – удмурт кылы но лулчере ретлы зечлыко дышетонлэн иньетэз» улоскуспо конкурсысь (2022) тужгес но усто ужьёслэн авторьёсы луо.

на. Дышетись урокез тунсыко карыны кёня ке амальёсты возматйз. Кылсярысь, кагаз вилэ гожьям кыльёсты, вакчи вераньёсты, нимтульёсты, кылбур чурьёсты люкылиз... Пинальёс соослэсь парзэс шедьтыны кулэ – озы соос орчем темаосты тодазы ваё. Кыче ке гожтэм кыл партэк кыле – озыен, соин герзаскемын луыны быгатоз, кылсярысь, вылез тема.

– Мукет визь сынан амал: кагаз вилэ юаньёс гожтоно. Но соос огшоры

медаз луэ – кёня ке полэс, – дэмла Надежда Васильевна. – Кылсярысь: «Тй соглаш ке, Кузубай Герд Вавож ёросысь Покчивуко гуртын вордскиз – гожтэ вордскем арьёссэ, өвёл ке, вералэ, кёня нылпи вал семьяязы».

– Нылпиос К. Гердлэсь быдэс биографизэ йыразы возё? – паймыса юазы люкаскемьёс.

– Возё, – шуиз Надежда Васильевна. – Но мае ке вунэто ке, учебникысь, гожьямьёсысьтызы учкыны быгато – пöртэм текстёсын ужаны дышетско.

Н. Кабановалэн удмурт кыля но литература урокёсаз нылпиос озы ик удмурт спектакльёс сярсь тодо, билет басьтыны дышетско, пумен математикаез но тодазы ваё – билет дуньёсты чотано ук. Эшшо Пушкинской карта сярсь тодазы возё...

Кызы дасясконо театре мыныны, мае тодоно, мар сярсь вунэтоно өвёл – таин герзаскем мастер-класс ортчытыз мукетыз дышетись – Надежда Голубина. Ох, таёе мастер-класс бере театре мыныны мылкыд пуромиз!

Яратон но кылэз тодон

Нош тодйськоды-а, удмурт кыля урокез лавкаын но орчытыны луэ вилэм шуыса? Малы – туж умой тодэ Маргарита Долганова.

– Нылпиос туж шугьяско удмурт кылын лыднимьёсты (числительной) вераны, – вера дышетись. – Нош лавкаын соосты тодазы ваё, эшшо калыкен (вуз карисен) вераскыны, лыдьяскыны дышетско. Вуз

карисылы мон азьло ик ивортисько, доразы вуылом шуыса. Пинальёсын но солэсь азьло урокын вераскыськом, малы калык пöлын астэ умой возёно, мар со «скидка», луэ-а со вылын шыръяны...

Эшшо шөдйське: Маргарита Николаевналэн удмурт кыля но литература урокёсыз ог-огенызы пöлэстиськыса кошко. Со кустын ик вераско улон, калык кусыпгёс, вордскем палёс сярсь. Мастер-класс со валамон валэктйз, ма со антоним, но Геннадий Красильниковлэсь «Оксана» вероссэ сэртгйз-пертчиз. Антонимьёсты тодэ ваемы бере веросысь геройёслэсь кусыпгёссэс эскергйз, эчешон орчытыса, антонимичной (ваче пумит) малпаньёсты уже кутыны кулэ вал.

– Украинаысь вуэм Оксана удмурт гуртын улыны өз чида, кошкиз... Нылпиос кызы малпало, малы озы луиз? – юазы ужрадэ люкаскемьёс.

– Кузпалэзлы, Олександры, яратоно Оксанаэ одно ик удмурт кылы дышетон вал, пе, – шуиз Маргарита Николаевна.

Таёе урок мынам но йырам пыраклы кылысал – тросэз ужрадэ лыктэмьёс тазы малпазы, луоз.

Мастер-классёс огшокчемен орчызы! Мон, 26 ар талэсь азьло Удмурт кун университетысь удмурт филология факультетэз йылпумъям мурт, пичияк вожьяськи но: эх, школаын ужасал! Ужрадэ люкаскылэм егит дышетисьёс, студентгёс, оскыско, быръем удысылы уката зол синмаськызы.

Элина КУМАЧЁВА



Татарстанысь Агрыз ёросысь Кучук шор ёзо школаысь покчи классёсты дышетись Екатерина Михайлова:

– Ужам одно ик куто Надежда Кабановалэсь сурам логической цепочкаоссэ. Маргарита Долганова дышеткисьёслэсь йырвизьзэс туж аспöртэмлыко эскере вилэм. Кылсярысь, сётэм визькыля тодыны кулэ произведениез. Нош Надежда Голубиналы лыса малпамтэ шорысь театре но вуылйськиз кадъ. Бадзым тау ужрадэз орчытысьёслы!